

姜先生全集



姜先生全集



湛園詩稿卷二

全集三十一

邑後學

馮保燮

重編

王定祥

周子惟念覲省南還因與葉淵發孝廉同遊廣州葉卽南陽學士長公也贈別二首

偶然吹動故鄉思正是秋風乍起時
斑管書留芸閣重青樽客散竹林遲
橘因遊子垂朱實萼爲歸舟
冒碧絲多少蛾眉邀曲顧不將歡賞誤佳期

學士門前感廢興誰家歌舞宴華燈
舊時講舍常分

席今日齋寮獨飯僧

君每遇南陽公忌日卽往長椿寺禮懺終日

並宿靈

臺悲短袖遠尋南嶽仗羸滕知君高誼超今古欲共
扁舟苦未能

保嬰案原本此下有送周參軍之幕和魏禹平韻
二首又題侯大年鳳阿山房圖因送歸膠城次韻
三首又昨梁藥亭孝廉將還嶺南枉
過不直因有此贈一首均見葦間集

秋山

微雨一以過衆山何厯厯飄然黃葉下暗與深潭積
回首嶺上雲何人坐吹笛

牆東

小小隔花叢還將舞態同臨風吹玉笛變入第三宮
八月夜飲高學士齋中看桂同閣學司業兩徐

公次閣學韻二首

疏簾新月映叢桂小山支爲有琴尊興還同杖履隨
光搖輝玉塵香細逐金卮不覺塵氛滌終宵對紫芝
水近中秋節聊將月色賒砌蟲吟玉露風穗落燈花
西苑書何麗

學士出示金鰲退食記皆西苑左右勝蹟

南州語更葩飄零

吾誰似白髮是生涯

金生小像戲題俞大文詩後

風枝月榭淨無塵挾冊閒吟自在身安得仙郎真結

侶畫將白璧一雙人

原詩何當共結巖阿侶付託生涯秋樹根

保燮案原本此下有總憲公修禊楊氏園同西崖季野諸君一首已見葦間集

送湯西崖歸里

湯生交我十年餘我遇湯生兩爲客但見吟髭出頰
黃幾曾狂眼逢人白東家小兒誇伶俐偏製五言工
挾策金門初上便見收公府誰人不爭識負郭纔避
長者車登筵已奪先生席翻笑揚雄老自苦更嗔李
廣數何隻年少輕薄徒紛紛轉瞬反覆詎足論我愛
湯生今靜者胸無俗事貯風雅暫將貧賤逐吾曹縱
使飛騰亦瀟灑以此徑託忘年遊日向官街並羸馬
落花飛絮飄金尊翩然長揖返故園回首可憐學士
館

宋置學士館於王儉家
君今館穀於喬侍講

歸心已指秀才村努力歸

去來明年長安公道昭昭懸

保燮案原本此下有辛酉十二月初至京投宿
慈仁寺袁君寓舍集杜贈之一首已見葦間集

謝提學赴滇南二首

秋原極目盡天涯送別青門去路賒
自奉簡書辭魏闕遙瞻旌節指金沙
人煙望入殊方樹雨露霑多徼外花
誰使桑榆同下拜相如詞賦足才華

西南天外古名都越巂蒼山入畫圖
舊日苴蘭空霸迹於今卉服盛文儒
碧雞自拜蠻君長金馬人看漢大夫
君自翰林出爲部曹萬里輜軒歸奏日
采風應自徧寰區

次韓元少閣學韻奉顧舍人

四十九年君過之才名空老復何辭淒涼玉笛因成

賦以容若
張未歸

狼籍牙籤爲校詩

君方選
全唐詩

西掖手栽幾柳

在北城行迹少人知舊傳樂府今存否好泛新聲入

酒卮

贈張經歷還任

由御史
謫官

三戟舊名家冠曾號觸邪連隨伏波幕徧踏武陵花

旂陣刀生澁題詩墨任斜功成偏失意莫使鬢雙華

保燮案原本此下有陳北山郡丞將赴任上郡賦
贈一首又海昌楊少司馬壽辭一首又八月十四

日出郭歸途得句
二首均見葦間集

楊少司馬假歸終養二首

賜歸 丹詔出明光
祖帳傾城別侍郎
破臘寒輕珠勒驟
隔年春送酒杯香
自來少讀陳情表
公去重開逸老堂
翦燭辛勤將母意
只憐恩重話偏長
非因鶴怨與猿驚
祇爲綱常係重輕
聖主何緣能暫舍
諸公相望在茲行
流澌傍岸看魚躍
候館分宵聽馬鳴
料得歸程須計日
其如羈客倍關情

張漢瞻將歸客有貽以望雲圖者諸君皆賦此
贈行予未果作今張子書來索詩書此緘寄
亦仍題望雲圖

兩年歸客音問稀
應爲板輿饒樂事
不知羈孤魂夢

勞今朝忽見郵書至烹羔爇茗茅檐下婦能拂席兒
奉筭年豐不到追呼聲仰見白雲常抱舍白雲下有
白髮親往時悵望歡茲辰感君書字能相憶憶我顛
顛京華春京華遊子盛軒冕不少白雲對舒卷白雲
自閒人自忙朱門要地鬪力强我本無事歸何所看
雲獨立淚沾裳

吳青壇御史建言譴歸贈行二首兼柬賢叔孟
舉

春明襪被出城南攜手相看客二三舉世猶能憐直
道當時豈是寄空談休將紫氣驚關尹任買青山結

草庵只恐求言旋有詔不容高臥獨抽簪

當年驄馬自南來尺素遙傳手自開黃葉村邊詩獨步烏衣巷口客重回但論世事甯搔首敢訴君門有暴腮共醉陶然竹林下可容吾老獨追陪

送徐電發檢討歸里二首

君今南去莫悽然正好鶯花二月天舉網得魚肥可鱸開籠放鳥潔堪憐制科妙句留宸賞樂府新詞

過海傳

高麗皆誦
君菊莊詩

從此一瓢蓑笠侶何須更說道山

仙

漢陰河上署清銜此去西疇喜載芟但可祝雞呼咮

咏甯同棲燕語喃喃 君恩日下留金馬公案山頭
問布衫我亦東方避世者鑑湖準擬卓歸帆

芍藥花

亂紫繁紅鬪麗華風光占斷五侯家等閒收拾春歸
盡開到庭前芍藥花

贈王萊園奉常

瞻依卻喜共鄉邦相過花前白玉缸已見南臺稱獨
步自來江夏本無雙釣韶天上和蔥珮槐柳門前列
戟幢時被松風吹夢醒洞天家在石爲窗

保燮案原本此下有送徐行人齋詔雲南二首又
八月二十九日書懷二首又禹鴻臚倣松雪水村

圖自畫小影索題一首又總憲公邀同竹垞檢討
遊上方山晚憩長新店一首又早發蘆溝橋至普
濟寺宿一首又登上方山飯兜率院一首又望摘
星陀一首均見葦間集又次日抵石經山下不果
上小憩東峪寺還一首則葦間集所無今以次移
補之又六聘山弔霍處士一首又賈島峪一首又
宿顧若觀明日總憲公竹垞先還紀事一首又寄
壽棗強縣馮揮五二首又閒居一首又題畫桃柳
燕子一首亦
均見葦間集

卽事偶成一律戲學時體

眞成閉戶緣多病并抑吟懷怕憶家
世事階前看蟻陣官情壁上鬧蜂衙
棗移陰比三竿竹蟬送聲兼兩邵
蛙所喜故人垂遠餉箬籠新解洞山茶

道傍宅

立馬塵沙大道傍
漆門雙掩對斜陽
昨來是處齊槐柳
有客無端語棟梁
自信機關能闔闢
誰教公道更分張
尙書歸櫬猶前日
馳驛恩深感聖皇

保燮案原本此下有傷古一首又送張昆貽進士
歸觀一首均見葦間集惟傷古葦間集作傷事

戲書

落魄長安道偏憐
久住身五行惟有土
四李不知春馬糞
供炊飯羊脂解照人
蕭然武陵客辭賦獨無塵

題高學士蔬香圖

馬齒鳬葵共一欄
不煩菜把送園官
十年前向詩中

見今日親從畫裏看
前曾屬余爲蔬香圖詩序

學圃校書甯異趣乘車戴笠總尋常從今不作松風夢直展新圖見故鄉

保燮案原本此下有雜詠六首均見葦間集

感舊

風梧葉葉向人翻如此情懷那得論往事蒼茫回白首舊歡索莫過朱門水流到海無歸信花落成泥有斷魂不悟繁華非久駐笙歌猶自出重垣

保燮案原本此下有見市有籠蟋蟀賣者命僕以錢十文得之一首已見葦間集

柯孝廉翰周落第南還隨所知遊姑孰

知君不得意歸臥向江潭且伴故人去聊停林下驂

濁醪辭更把黃菊起重簪相送青雲客何人共醉談
正是南行日霜風背面吹近鄉分氣候轉棹復天涯
路入三山險江空六代悲休增搖落恨上苑有新枝
所見

長安門外行時見羅幃無因得細窺不辨眉彎輕似
黛且憐腰細弱於枝回身誤道金鞭落彈指偷驚玉
箸垂歸去生憎塵滿襪香韉餘暖阿誰知

保嬰案原本此下有送菊隱先生南還一首已見葦間集惟菊隱葦間集作竹垞

因口寄問張子時欲邀其入都其定志中人物
前時曾喜得雙魚報道關情與世殊可是胸中人物

志北來還許問何如

保嬰案原本此下有慈仁寺見賣白鸚鵡一首又送沈南川之任一首均見葦間集

送宋徵君南還

客秋常送客每送一悽然
羨爾隨陽雁歸棲欲暮天
卸鞍野店火沽酒渡江船
莫自傷搖落才名舉世傳
題張子詩集送還蘄水幕

問子何緣京洛居經時不食武昌魚
博徒遊戲聊爲爾酒債尋常莫問渠
浠水一編吟可飽蘭溪再去種
休鋤道傍已少狐鳴客安穩蒲帆逼歲除
構火狐鳴事在蘄水
時新經武昌之變